



05371

批點明詩七言律卷三

東明穆文熙敬甫批選

石 星拱辰閱正

長洲知縣劉懷恕校刊

莆田陳知占繕書

李夢陽 字獻吉號空同慶陽人家大梁弘治中進士官學憲

○ 吹臺春日懷古

廢苑迢迢入草萊百年懷古一登臺天留李杜詩篇  
在地歷金元戰陣來流水浸城隋柳盡行宮為寺汴

明詩七言律卷三

花開白頭吟望黃鸝暮瓠子歌殘無限哀

○ 赴郊觀宿

城邊水色靜春茅苑外鶯啼拂露梢萬戶煙花臨複  
道九天宮殿鎖南郊霓旌夜發清溪繞彩仗晨飛碧  
樹交身到鈞天渾不解坐聞仙樂下雲旂

○ 曉詣西壇候 駕

萬宇沉沉曉漏催九關魚鑰遲明開鸞闕鼓角空中  
起片片爐煙霧裏來氣結龍文隨御幄風傳虎旅發  
仙臺叨從百辟觀周典不向秋風數漢才

穆子曰李詩雄奇高

古律法嚴

整貫少陵之壘而拔其赤幟乃

千古勦敵

秋懷四首 原八首

四首如雲  
屯高嶺  
涌飛流

二首如鸞  
繁弱揮  
龍淵有吞  
滅胡虜之  
意

○慶陽亦是先王地。城對南山不崩墳。白豹塞頭惟皎  
○月。野狐川北盡黃雲。天清障塞收禾黍。日落谿山散  
○馬群。回首可憐鼙鼓急。幾時重起郭將軍。

○苑西遼后洗粧樓。檻外芳湖靜不流。亂世君臣那在  
○眼。異時松栢自深愁。雕闌玉柱留天女。錦石秋花隱  
○御舟。萬古中華還此地。我皇親為掃神州。

○大同宣府羽書同。莫道居庸設險功。安得昔時白馬  
○將。橫行早破黑山戎。書生誤國空談裏。祿食驚心旅

明詩七言律卷三

○病中女直外連憂不細。急將兵馬備遼東。

○崑崙北極轉天河。獨馬年時向此過。渥洼西望迷龍  
○種。突厥南侵牧橐駝。黃花古驛風沙起。白雪陰山金  
○鼓多。况是固原新戰鬪。居人指點說干戈。

○雪後朝天宮

○馬上城中見雪山。白雲蒼霧滿燕關。蓬萊咫尺無人  
○到。松栢黃昏有鶴還。當日翠華游物外。百年金殿鎖  
○人間。浮塵擾擾江湖遠。悵望巖棲不可攀。

○繁臺春集

小徑緣臺春自花。重堤飛閣盡雲沙。能將白髮隨流  
輩。奈有清尊遣歲華。斷塔草垣增閨寂。古城芳岸赴  
歌斜。忽驚旅鴈思南北。海色邊愁入暮笳。

出郊

簡嬾經秋此出郊。野煙霜日靜衡茅。林桃葉盡青猶  
實。陂麥苗齊綠自苞。堤曲獵狐穿雪窟。塔巔彈鶴落  
風巢。隨心樂事非難取。舉眼平生覺易拋。

探春

老去探春每怕遲。酒朋棋伴日相追。無心柳絮當人  
起。有意桃花背馬隨。臺榭草蒿離亂後。往來絃管古  
今悲。幽崖尚慮殘梅在。玉笛丁寧莫放吹。

冬歸繁臺別業漫興

莽壙孤城此卜居。宋臺梁苑獨行予。虛名馬愧千金  
後。白首螢憐萬卷餘。踏麥遽堪寒葉翠。看梅無那臘  
花舒。相逢莫漫嗔吾放。野醉郊吟盡可書。

雪日繁臺院閣酒集

臘朝筵向雪邊開。倚閣風從萬壘回。枯樹故當看處  
濕。飛花偏墮掌中杯。山河文物他年賦。今古衣冠異

地材舉目蕭蕭改天色。玉梯扶醉更登臺。

歲暮

二詩有邴生自靖薄於遊宦之意

莫往嗟來祗自癡。未衰那即髮如絲。同朝鶴鷺雲霄隔。故國松楸道路疑。園草喚愁偏勃勃。檻梅偷臘故垂垂。端居寂寞無雙蒂。強食棲遲有一枝。

中聯雄視千古

歲當癸酉廬山曲。冬盡扁舟記獨棲。湖海合冰龍畫立。谿林壓雪虎時啼。陰陽晴晦雙過鳥。南北行藏一杖藜。今日中原對河嶽。暮雲回首楚江西。

無題戲效李義山體

明詩七言律卷三

四

曾倚清酣奏綵毫。象牀冰簟玉樓高。徐娘老去風情在。班女愁來賦興豪。秦柳日斜傷渭曲。楚蘭春暮怨湘臯。仙根寂寞崑崙遠。浪說人間有碧桃。

晚秋明遠樓宴集

此作如丹梯百丈高入雲霧

斜日層城合暮煙。新晴高閣敞秋筵。衣冠四海追游地。霜露中原感慨年。去鳥來鴻凭檻外。飛雲落木把杯前。回身忽在星辰上。醉眼真疑到九天。

陶君誇其分司桃花獨樹予往觀之次其韻

老嬾今來特為花。花奇親見主人誇。入門風片時時

墜近酒春枝。故故斜。湖海一尊憐舊侶。乾坤雙鬢愧年華。明朝許赴柴門約。共醉東園萬樹霞。

和君度上海棠賞之

老興看花不厭頻。折紅攀綠總怡神。孤枝解動雙樽影。數朶能回四座春。誰遣物華成歲色。自多人世有閒身。年來斷酒因脾濕。為爾還應暫入唇。

正月四日始出赴黃子之宴南鄰何儀賓以美醪助杯即席口占

杜門常日追遊少。新歲初筵獨詣君。幸有鄰家能送

明詩七言律卷三

五

章循刻

酒况多賓客。善論文。樓臺霽日斜。含雪竹樹和煙暮。閣雲入夜不歸雙。秉燭近尊猶喜落梅芬。

艮嶽

宋家行殿此山頭。千載來人只一丘。到眼黃蒿元玉砌。傷心錦纜有漁舟。金縵社稷和戎日。花石君臣棄國秋。漫倚南雲望南土。古今龍戰是中州。

潼關

咸東天險設重關。閃日旌旗虎豹閒。隘地黃河吞渭水。炎天白雪厭秦山。舊京想像千官入。餘恨逡巡六

麗語如野棠未落桃欲開

此作如龍騰虎變蔚然成采

國還滿眼非無棄。繻者寄言軍吏莫嗔顏。

遊上方寺晚登鐘樓

東北叢林冠此都。地分清寂聚僧徒。青天寶塔還今古。赤日珠光乍有無。草徑驚乾時獨立。松林鶴並晚相呼。登樓更見河流急。嘆世因悲馬負圖。

開元寺

讀書臺倚鶴鳴峯。迴合千山翠萬重。白晝懸泉喧霹靂。清秋雙劍削芙蓉。撐持古寺還雲閣。寂寞前朝自暮鐘。瑤草石壇應不死。興來真欲跨飛龍。

瀑壑晚坐

醉踏匡山晚未遲。翠巖丹壑凜秋姿。峯高瀑布天齊落。峽靜星河夜倒垂。遠害欲尋麋鹿伴。暫羈終與世人辭。磨崖徧剔蒼苔讀。獨坐雲松有所思。

楚望望襄中形勢

楚望峯頭望楚雲。遙憐紫蓋紫陽君。廬荒不斲盤龍氣。碑滅猶存墮淚文。地轉江淮浮遠戍。水同巴峽墮雄軍。里名冠蓋非吾事。願訪鹿門麋鹿群。

晚過禹廟之臺

領聯奇氣驚人

三首如山學雲雲乃盈盈欲動

此作有扛鼎揭袂射筆綴風之雄

○暮行群過禹王宮。瑟飈松林靜入風。步競石梯秋獨健。眼收沙海月還空。聲名北上青駘客。潦倒中原白髮翁。林酒重傷分手地。古今踪跡本飛鴻。

宿少林次韻

萬山微暝一鐘鳴。古寺深秋倦客情。僧本折蘆番面壁。人非騎鶴故吹笙。寒催亂木風交響。白動虛巖月自生。慚愧勞勞不成寐。丁丁卧聽早樵聲。

○寺前秋泛限韻

○返照孤城落木中。畫船秋水坐來空。影涵樓閣人齊

明詩言律卷三

七

本集卷三

過香引蕪葭路轉通。雲氣襲樽溫復冷。笛聲將施北還東。不須預問天邊月。波上餘霞閃閃紅。

○王左史宅賞牡丹

牡丹詩易俗不俗乃為神品  
裊庭絃管稱春筵。草圃繁華近暮天。老為名花扳自放。醉逢國色轉須憐。娟娟影靜金尊裏。冉冉香回玉笛前。莫問平章舊時宅。沉香亭已入蒼煙。

○出塞

此篇原本不載自王元美厄言中得之不知  
黃河水遶漢宮牆。河上秋風隰幾行。客子過壕追野馬。將軍韜箭射天狼。黃塵古渡迷飛輦。白月橫空冷

當時何以  
遺之也豈  
神物之出  
乎固自有時

戰場聞道朔方多勇畧只今誰是郭汾陽

### 追舊寄徐子

憶昔逢君雪滿途遙憐為客向江湖看碑定憶羊開  
府作賦先投楚大夫日黑魚龍歷夢澤草青麋鹿上  
姑蘇空回玉軫思流水不得驂驢見過都

### 限韻贈黃子

禁煙春日紫煙重子昔為雲我作龍有酒每邀東省  
月還朝曾對掖門松十年放逐同梁苑中夜悲歌泣  
孝宗老體幸強黃憤健柳吟花醉莫辭從

明詩七言律卷三

### 九日寄何舍人仲默

九日無朋花自開登樓獨酌當登臺那城瀨木天邊  
下萬里浮雲江上來但遣清尊常不負從教白髮暗  
相催梁南楚北無消息塞鴈風高首重回

### 冬齋宴丘翁林亭

竹亭高宴雪霜殘枯塢移尊月色寬馴鶴自知迎客  
舞絕琴今擬向君彈醉來箕踞仍呼酒老去留賓不  
着冠解道冥鴻能萬里肯輸烏鵲一枝安

### 立春遇雲東孫君二首

此作如銀  
烈悲風冷  
冷澗水

奇氣若猛  
虎嘯而谷  
風起

乾坤莽莽俱為客。世路悠悠。谷愴神。海內弟兄稀見。  
面。天涯霜雪。又逢春。馴階鳥。豕猶呼侶。破浪龍吟不  
避人。幾欲開尊向梅柳。白眉青眼為誰顰。

留滯周南春復春。路迷何處問三秦。竟非吾土堪垂  
淚。不為儒冠豈誤身。偷臘。梅暄媚眼。弄寒山篠晚。  
傷神。虛傳夜雪能乘興。不見山陰鼓柁人。

送張訓導棄官為母

蜀道干戈暮角悲。水行溪壑轉春姿。辭劉徐庶心先  
苦。迥馭王陽願不違。正月巴山猶碧樹。孤舟峽口已

用詩七律卷三

九

章并

黃鸝并吞割據千年事。愁見岷峨有戰旗。

寄華韶州

十年不寄一封書。索處常思萬里餘。謫宦賈生元獨  
遠。抗言劉向果誰如。新符海外勞分虎。舊德朝中想  
佩魚。退食昔移青瑣步。論文偏過省郎廬。

贈鄭庚

文物江東數歛都。里傳貞白似君無。門前不種鈎衣  
草。堂上常巢返哺烏。為客老年今道路。告歸春日復  
江湖。沙溪酒熟兒孫勸。拄杖徐行步綠蒲。

○喬太常宅夜別

竹梧池館夜偏寒，促席行杯漏未闌。  
燕地雪霜連海嶠，漢家鐘鼓動長安。  
吟猿見月移孤樹，宿鴈驚人起別灘。  
二十逢君同躍馬，十年回首笑彈冠。

○穀日酬鄭屠二省使攜酒見訪

殊方穀日軒齊過，返照虛牕暖自通。  
短髮江湖今會少，早春閭闔舊遊同。  
越南閩北風煙際，岸柳園梅霽雪中。  
時世艱難須共濟，此生杯酒任西東。

贈何君遷太僕少卿

司詩七言律卷三

十

章并

省客新乘卿士車，尋盟特別水雲居。  
還朝賈誼元前席，去國虞生合著書。  
貧顧休輕冀野馬，祖行親釣汴河魚。  
虛疑厄閨春情晚，驛路群花宛宛舒。  
是年遇閨何有官似

黃楊厄閨年之句

高門堤陳氏別業夏集

門堤平野突崔嵬，幔屋深林石磴迴。  
盛世行藏吾學圃，異鄉天地此登臺。  
憑軒五月涼風入，移席孤城返照來。  
急管暮催杯更進，醉翁非為酒徘徊。

見素林公以詠懷四章見寄觸事敘歌輒成篇

什數亦如之末首專贈林公

四詩如游  
魚潛水精  
鳥薄天

青天萬仞削芙蓉，憶踏匡廬第一峯。  
哀壑暮雲埋虎豹，大江春浪變魚龍。  
天池御筆親留碣，石室山僧獨扣鐘。  
絲筆昔曾霄漢上，舊題應被紫苔封。

又如黃鶯  
摩空羽翮  
難近

投簪萬里旋舟日，暫憇覃園傍峴西。  
潭起漢娥留佩賦，井傳王粲倚樓題。  
林猿浦鴈心常往，楚雨襄雲路不迷。  
縮項一槎真欲釣，幾時重訪鹿門棲。

買園近關三三徑，啓戶遙當六六峯。  
敢向大河誇樂土，且將名嶽寄行蹤。  
風林躍馬狐狸走，草澤回舟鴈

明詩二言作夫三

鷺衝。昨復潁陽開別業，傍軒新徙具茨松。

西伐親將龍虎軍，南歸甘即鷺鷗群。  
謝安實費登山屐，司馬虛傳諭蜀文。  
釣罷蘭溪宵上月，吟成壺嶺晝

生雲。何時勉為蒼生起，悵望東南五色氛。

闔曹二子發京姪，木與之同舟而下有詩紀之。

予亦和此篇

共水同舟伴謫居，海天春色盡涵虛。  
蠻方故啓流官路，漢史終收痛哭書。  
蜀徼山高常帶雪，滇門池苦亦生魚。  
上林花樹年年在，前席行看入禁廬。

夏日上方寺追念舊遊寄平陽王守前御史

伏天樓閣同游地。尊酒松林憶並攜。驄馬昨朝三極北。虎符俄剖萬山西。人間散合留高跡。壁上風雲護舊題。出守次公元入相。汾川應與潁川齊。黃霸字次公

東庄冬日別謝行人

冬圃朋游菊半蕪。風林互飲葉全鋪。往來物理須霜露。離合人情豈路途。乾綠冷紅難避眼。刺香餘馥故侵壺。相逢莫漫憐修竹。要識乾坤有碧梧。

上方寺會監司諸公

月詩七言律卷三

十一

掌中杯影  
本是仙語

梁園四月斗炎蒸。衆飲松堂爽色凝。天上樂聲僧梵接。掌中杯影塔雲層。高情不使忙官奪。野興常於勝地增。西海漸生歸路月。上方無藉散花燈。

東庄藩司諸公見過

少年湖海老中原。萬里誰期共一尊。邂逅路岐須盡醉。向來離合敢重論。桑麻事業陶公徑。鳥雀人情翟氏門。嬾散廢書瓜可種。夜來時雨足吾園。

新秋宣威後堂會張鮑二帥晚過東園作

戟府臨秋氣自威。林亭過雨日能輝。但邀文士揮彤

勝在尾聯

管不願將軍試鐵衣。雲濕白花籬。槿重風搖朱果石。  
榴稀彎弓欲看雙禽墮。海闊天晴鴈不飛。

酬聶監察淮上見寄

落木秋城動客哀。急風胡鴈帶沙迴。夷門合是投簪  
地。淮海須憑攬轡才。勲業壯心頻覽鏡。暮雲詩句幾  
登臺。太微實與群星異。已有光芒接上台。

夏都諫勘鄴潞之戰惠見憶之作寄答二首

廿年不入紫宸朝。白髮猶能伴野樵。敢向驕驄爭道  
路。固知鵬鷲自雲霄。狂歌見月時呼酒。嬾性臨風欲

二首如五  
陸瑄溪錦  
被沙洲

明詩七言律卷三

十三

棄瓢寄與昔游青瑣客。嶺雲溪雪記同招。

岩堯上黨接壺關。杖鉞冬行歷萬山。巖凍雪埋擒虎  
窟。窟腥雲嬾斫龍灣。嘶喚路透漁樵入。蒼蔚林清鳥  
雀還。為問登高能賦者。霜毫幾掃白雲間。

九日繁臺

中縣如豪  
士擊鞠巧  
捷如意

禹廟登高人盡迴。儒宮下馬盡殘杯。奔陳孔甲元孤  
憤。去趙虞卿且未哀。高葉下風還抱石。片雲拖雨故  
臨臺。酒闌却憶十年事。半醉呼鷹向此來。

九日衙齋對酒偶作

此作如秋  
蘭被坂朱  
華冒也

故鄉叢菊嘆離居。客邸秋梅葉且舒。四海重陽三滯  
酒。兩河歸鴈幾傳書。拂衣欲就淵明里。短髮猶驅孟  
博車。意遠遲回聊復酌。浮雲北望佇踟蹰。

乙亥元夕憶舊柬邊子卧病不會

憶昔金錢並卜懽。稱心燈火獨長安。鑪香欲散尚書  
省。環珮先歸太乙壇。千載酒杯諠五夜。九衢遊馬閱  
千官。蓬飛轉合今同此。月滿梁園却自看。  
邊舊太常  
故曰太乙  
壇

丙子冬至

明詩上言律卷三

古

奉天門下玉闌橋。此日催班早待朝。占史奏雲懽萬  
國。大官傳宴散層霄。苑梅迎律春先動。宮柳臨風色  
欲搖。一出忽今驚十載。百年勲業有漁樵。

除夕寫懷呈毛使君

晝日淒淒風色嚴。晚登雲閣漫開簾。山河不逐年華  
改。天地空悲老髮添。隨俗香燈消獨夜。近人星斗下  
虛簷。微吟暗憶乘駟使。綵筆迎春幾自拈。

元日宴王孫第

此作如雲  
拖牛閣風

向夕虛廊風自驚。敞筵華月坐留情。琴樓合與衣冠

下  
七句

客。登。榭。遥。聞。歌。吹。聲。吟。劇。晚。梅。聊。索。笑。醉。移。寒。竹。互  
尋。盟。九。衢。遮。莫。催。車。馬。願。倒。王。孫。百。甕。清。

九月七日夜集

此夜邀賓過草堂。實因佳節重壺觴。時侵叵柰燈前  
菊。老去誰拋鏡裏霜。草暗微寒催蟋蟀。雲開片月下  
滄浪。明朝好趁登高伴。木落天空望帝鄉。

○辛巳立春

冬晴轉覺米霜厲。日散俄還海嶽春。綵勝恩光曾侍  
帝。菜盤風俗謾隨人。雪融樓閣沾沾薄。煙動松筠裊  
裊新。人壽幾何吾半百。到唇杯酒莫辭頻。

明詩三言律卷三

一五

本齋紙書

○辛巳元日

倏忽吾生五十春。兩朝遺佚太平身。望鄉心逐關雲  
起。懷國情將汴柳新。自信右軍非墨客。王右軍五  
十書始成誰  
言高適是詩人。適年五  
十始詩南征昨報龍旗返。佇想嵩呼  
動紫宸。

九月晦日西南陂再泛二首

水國窮秋霽更寒。渚宮重宴菊猶殘。閒身欲住張融  
舸。短髮羞歌杜甫冠。日映樓臺天上過。風恬魚鳥鏡

二詩如海  
日初升艷  
采瀾茫

中看緣池莫戀檀藥竹。即擬枚乘賦不難。  
水上冬初多白雲。沙間煙滿白鷗群。經添雨雪湖非  
減。外盡蕪葑路轉分。當岸女墻晴。倒出傍船木葉醉。  
偏聞回途恐觸蛟龍蟄。莫遣鳴笳徹暮曛。

田居喜雨

有田憂水復憂乾。一雨農心得暫寬。從此荷鋤添野  
事。向來垂釣看風湍。臺林澤草俱回態。急響微沾並  
作寒。薄暮斷虹妝霹靂。曠原西日倚筇看。

臺寺夏日

古臺高並鬱岩崑。斷塔稜層鎖寂寥。積雪洞門常慘  
慘。炎天松柏轉蕭蕭。雲雷畫壁丹青壯。神鬼虛堂世  
代遙。惆悵宋宮偏泯滅。二靈哀怨不堪招。

朱仙鎮

水廟飛沙白日陰。古墩殘樹濁河深。金牌痛哭班師  
地。鐵馬驅馳報主心。入夜松杉雙鷺宿。有時風雨一  
龍吟。經行墨客還詞賦。南北淒涼自古今。

薛蕙

字君采。亳州人。正德甲戌進士官吏部考功  
郎中。

題張子醇西峯草堂

薛公理學淵深詩亦

此作英風  
來公飛蹴踞  
山河

千古遺恨  
死在華端  
讀之令人  
泣下

有致  
李君全集  
中有无二  
作

山人卜築城西郭，日日西山爽氣來。細雨濛濛丹磴濕，晴雲裊裊翠屏開。堦前蔓草穿書閣，石上松林覆奕臺。况有春湖可乘興，他時須作泛舟廻。

朱豹 字子文，上海人。正德丁丑進士，官御史。

九月十日同諸友登丹鳳樓

潮聲全山色有無大是佳語雲樓百尺眼前空，昨日登高興未窮。江上潮聲今古在，雨餘山色有無中。酒酣黃菊憑歌髮，老去流年付轉蓬。倚遍曲闌無限好，西風回鴈落霞紅。

段金 字子辛，號石菴，武進人。正德間進士官主事。

失題 此必江上送別館閣人

東風新水滿城陰，落日飛花亂客心。千里夢寬京國遠，十年情事酒杯深。紫泥香暖看裁詔，玉局書成有賜金。多病不堪還此別，江干芳草獨沾襟。

黃省曾 字勉之，號五嶽山人，吳縣人。正德間舉人。

歲暮述志

揚雄草玄閉環堵，夜夜青藜徒自苦。荒徑三條翳草萊，仙經一帙披龍虎。綵綬浮雲昔已看，黃金北斗何須數。世務紛紛不可干，寸心獨抱羲皇古。

意有感  
慨

山人從空  
同子刻意  
為詩竟成  
一家蓋選  
中不可與  
者

明詩七言律卷三

十七

劉安

虎丘詠

芙蓉近倚闔閭城。眺閣觴樓逐勢成。珠寺翻為歌舞地。青山盡是綺羅情。巖花吐學紅粧麗。谷鳥啼兼鳳管聲。十里垂楊芳草岸。四時常映彩舟行。

戴冠

字仲鶚。信陽人。正德戊辰進士官學憲。

送丁原德北歸

却憶往年分手處。相逢忽忽又三年。秋風碧樹淮南月。暮雨黃茅海外天。我已攜家依峒戶。君今鼓棹破江煙。一尊重對知何日。萬里生還未有緣。

明詩七言律卷三

十一

伯才

人日遊石磔

人日尋春到海隈。新年物色太相催。風吹燕子千家入。暖逼桃花幾處開。久住山林殊自適。頻來峒客更無猜。黃柑白酒能消渴。盡日松間坐不回。

黃佐

字才伯。號太泉。廣東香山人。正德辛巳進士官詹事。

春興

精詞雅致

風雨瀟瀟聞曙雞。春來長憶碧山棲。煙開籬。落花光動日。暖園林。菜甲齊。入饌江魚供白髮。潑醅芳酒對青谿。刺桐枝上紅如錦。自在流鶯盡日啼。

大傑詩宏  
博精深當  
屬尖家

陳沂

字魯南號石亭鄞縣人正德丁丑進士由翰林官至行太僕卿

○與元瑞宿永寧寺

梵宮高棟幾攀躋還候蕭臺入舊暎四野暮煙人欲靜滿林寒磬鳥初棲窓間蛩語同僧寂樹裏星光向客低此際對床那易得出門岐路各東西。

壽泓師

種樹祇園五十年人間僧獵且隨緣青蓮法喻元無字明月心空不生禪問道久從金錫下登堂長拜紫衣前遠公亦愛陶彭澤百歲時來索醉眠。

明詩言律卷三

九

小至舟泊衢城下灘聲月色愴然有懷

倦客東歸一繫船天涯行役自堪憐空江月色孤城下永夜灘聲獨枕前豈有微勞酬厚祿祇餘衰病寄殘年愁長未覺寒更減星斗惟看直北懸。

西山次韻

西寺遙山接補陀憐君信宿遍經過百年蹤跡漢司馬三月風光晉永和行入亂峯鳴溜急坐深芳樹落花多他鄉故國同登賞但得乘閒且醉歌。

楊慎

字用修號升菴新都人正德辛未狀元官修撰

用簡學富  
千古人謂其

詩不連學  
若此三詩恐  
亦非貞元  
以後語也

### 太宰松泉夏公壽詩

赤鳥歸來鬢未星，紫垣光燭照涪陵。山中宰相無塵事，河上仙翁有道經。春色又驚梅蕊白，薰風幾換荔枝青。停雲問月多篇詠，何日滄浪一共聽。

### 懷歸

星橋南望沉犀渚，雪嶺西連抱珥河。關塞渺茫蒐夢隔，山川迢遞別離多。汀洲春雨塞芳杜，茅屋秋風帶女蘿。心事未從詹尹卜，生涯聊聽楚童歌。

張含 字愈光 永昌人 正德間舉人

明詩七言律卷三

### 已亥秋月寄升菴

金馬秋風十載餘，芙蓉深巷閉門居。登樓莫作依劉賦，奉使曾傳諭蜀書。卧病可憐天一柱，獨醒無奈楚三閭。北來消息風塵動，白首滄江學釣魚。

### 寄升菴

東觀聲名北斗齊，鳳凰踪跡成雕題。八千里外潮陽馬，十九年來海上羝。銅柱蕪葭鴻鴈響，錢城煙雨鷓鴣啼。連宵數有懷人夢，記得分明錦水西。

蔡羽 字九遠 號林屋 吳人 正德間官翰林院孔目

張君所遺  
用簡二首  
藻麗精  
深殊有襟  
度

春去

萍藻經春高石林。水亭終日柳花香。坐忘屋裏青山  
近。卧起天涯綠草長。楚國登樓空作賦。梁園啼鳥苦  
思鄉。東園芍藥三年別。誰護西湖夜雨狂。

秋日

清秋山色淨簾櫳。八月芙蓉滿鏡中。醉任嶺雲連海  
綠。愁禁楓葉接天紅。養魚好伴鴟夷子。飲水無如桑  
苧翁。江上美人期不到。吹簫獨自向虛空。

王崇慶

號端溪尚書

正德戊辰進士。開州人。官南戶部

明詩七言律卷三

十一

送天儀謫廣西

山遶蒼梧草閣斜。仙郎今去種桃花。風帆小渡千門  
月。江樹平分兩岸沙。但有姓名逢盛世。何妨踪跡到  
天涯。行看闔閭金雞報。還許排雲近日華。

送李四順歸錫山

唾手纔看蒼玉墀。秋風忽動望雲思。山連故國關愁  
處。酒泛河橋話別時。沙冷鴈橫秋月白。霜清海闊片  
帆遲。生平忠孝須兼盡。回首長安指日期。

次黃時庸十四夜韻

蔡詩冲雅不俗

王公人品氣節卓然朝宇其詩直寫胸臆有天然之趣唐之錢劉庶幾方駕

虛堂夜酌話從容。寒漏初聞省院東。莎草近堦蛩對語。洞簫入坐月當空。桑乾水遶通秦塞。策士心勞憶漢宮。廊廟江湖原自切。酒闌長劍倚西風。

題仙翁圖贈趙洪洋

聞道蓬萊隔翠微。仙凡終恐未相違。謝安衾枕塵初歇。李白壺觴花欲飛。松竹洎洎清鶴夢。溪山納納淨苔衣。放歌良夜須謀醉。何用浮生笑落暉。

吊仲由祠一首

惆悵蒲城何處村。丹青古廟幾黃昏。結纓實作千年

明詩七言律卷三

廿二

新

諸吊仲由詩皆着相不及此作

恨負粟何辜。罔極恩。春徑野花空戀蝶。秋霄寒月自當門。可憐尼父稱三善。常使行人欲斷魂。

尹朔野初至開州

號令風霆新刺史。共傳創覩出群才。郡城無復豺狼集。菲屋重驚日月開。白酒百年常愛客。黃花九日好登臺。英雄勝有平胡策。磐石封疆莫浪哀。

送鄒掌教之任新城

吾方林壑辭軒冕。子忽新城振鐸音。南國湖山五老棗。東林風雨十年心。朝廷正爾宣王化。胡馬何如敢

內侵把酒送君秋日暮。白雲紅樹欲沾襟。

過涇州王母宮一首

王母祠前何太幽。小山叢栢屬深秋。虛疑青鳥驚塵世。實恐蟠桃誤羽流。萬古綱常還砥柱。三生幻夢自浮漚。停車獨立西風外。笑指寒雲天際頭。

王母祠下得一兔旋令放去紀興一首

曉霧濛濛失半山。恍疑鍾磬隔人間。吾方全盛思明主。誰復虛無訪大還。澗草不勞藏玉兔。野花似欲問朱顏。何當更遇知音叟。一笑忘情隘九寰。

宴集浚谷宅

玉堂學士亦風流。坐我文園倒碧甌。萬里秋聲驚客耳。四圍山色豁吟眸。清脩何用誇陶令。忠諫仍還繼武侯。薄暮候人催絳燭。巖城回首隔雲樓。

丁未入賀得南京太常卿除書寫懷

叨承藩省西川外。殊幸班隨玉陛前。龍虎旌旗河影淡。華夷拜舞漏聲殘。車書幸覩超三代。禮樂還知垂萬年。但恐生平才非薄。敢辭努力答堯天。

送太保石塘聞公引年歸隱二首

萬代懸知傳大老。一封忽復出長安。洛陽社會仍誰續。桐水魚磯好獨看。只道未論借俗眼。水壺終許是奇觀。正須大雅效三疊。落日郵亭共倚闌。

輔世已隆當代望。明農更仰暮秋還。黃花香泛杯中酒。綠野晴開江上山。七袞引年名益重。三朝憂國異初班。斜陽城外多車馬。嘆息高風迥莫攀。

送太史呂巾石還建業

玉堂學士本清真。相見長安尚早春。下榻未傾文字飲。買舟又向潞河濱。調羹行且追商叟。作賦何勞數

明詩七言卷二

十四

漢臣。斜日酒旗亭別思。滄洲荻屋隔通津。

李舜臣

号愚谷嘉靖開會元官至南司業

亭上

高亭獨坐怯餘寒。漸已晴暉轉畫闌。陽柳捲歸湖外色。梅花猶似雪中看。疏池種竹隨春事。散帙揮毫亦暫歡。回首故人微禄在。惟應拙薄久江干。

春日飲顧東橋園時將子雲方伯同坐

辭官江上早歸耕。幾畝城中肯自營。結宇故栽芳樹滿。看山不斷白雲生。身裁鶴鷺稱居士。家本龍門遠

俗情為掃落花名。蔣徑春來，吾黍衆賓行。

春日門人邦正招至徐氏東園

戚里園亭傍水開。主人延客夕陽催。花邊送酒迷幽徑。石上觀泉坐碧苔。盡日但愁芳樹歇。一春常聽好鶯來。風流不忝元和日。欲草蘭亭媿不才。

送聞石塘尚書赴京

下榻長安彼一時。復從南土奉光儀。憐才近世難公似。論德中朝是我師。山郭欲銷殘暑氣。江帆只待好風吹。惟應去後遙相望。夜夜台階紫極垂。



